

外科諸證 癰疽

審症虛拾 醫癰

雜忌須知 腸癰

用呆治法 囊癰

附骨疽部 懸癰

癰癰 癰癰

癰癰 癰癰

癰癰 癰癰

壽世保元 壬部卷玖

諸瘡

癰瘡

癰風

癰風

癰瘡

癰瘡

癰瘡

癰瘡

癰瘡

癰瘡

蟲獸

鵬山記

湯火

破傷風

折傷

杖瘡

膏藥

較正醫林狀元壽世保元全集卷之九

廣順堂藏

太醫院吏目金谿雲林龔廷賢子才編

同邑後學周亮登元龍校

外科諸證

癰疽

夫癰疽瘡癤者皆由氣血不和喜怒不時飲食不節寒暑不調使五臟六腑
氣怫鬱於內以致陰陽乖錯氣血凝滯而發也亦有久服丹石燥熱之藥
毒結深而發爲癰疽也夫此疾多生於富梁富貴之人以其平昔所食肥
炙煖安坐不勞嗜慾無節以致虛和熱毒內攻煎熬氣血而成也癰者壅
大而高起屬乎陽六腑之氣所生也其脉浮數疽者沮也平而內發屬乎
五臟之氣所成也其脉沉數瘡者其總名也瘡者有頭小瘡也經云諸瘡

瘡皆屬心火益心主血而行氣若氣血凝滯夾心火之熱而主癰疽之類也然所感有淺深故所發有輕重大小之不同也六腑積熱騰出於外肌肉之間其發暴甚皮腫光軟侵表廣大者癰也五臟風毒積熱攻注於肌肉其發猛惡初生一頭如瘡癰白色焦枯觸之而痛應心者疽也發熱於皮膚之間是以浮腫根小不過二三寸者癰也夫癰生於六腑若燎原之火外潰肌肉疽生於五臟沉澁難療若陶室之燧內潰骨髓癰則易療惟難將息而遲癒疽則難療而易痊復夫諸瘡之中惟背疽疔瘡最爲急症其次莫如腦疽腸癰喉癰之類亦其急者也至若瘰癧懸癰痔漏諸瘡之類其症可緩而治也又有疥癬癰瘡風疽之類雖云俱屬瘡類而其輕重緩急自有不同也夫癰疽之疾須要察其是實是虛是冷是熱或重或輕對症用藥無失先後次序凡人四十已上頭頂髮顙背脊腰脇或筋骨之上所視不見之處者稍有瘡癰便不可輕易待之若視之怠慢以爲常疾每見從微至顯喪命者多矣便宜速急治之庶幾得救譬之救火初起則易救至於燎原之勢不可撲滅矣

其理亦由是也凡瘡未破毒攻臟腑一毫執藥斷不可用若已破潰臟腑既虧飲食不進一毫冷藥亦不可用此是先後次第之要訣也夫瘡有五善七惡不可不辨若動息自寧飲食知味一善也便利調勻一善也膿潰腫消色鮮不臭三善也神彩精明語聲清朗四善也體氣和平五善也如煩燥時嗽腹痛渴甚泄利無度小便如淋一惡也膿血大泄焮痛尤甚且惡難近二惡也喘促短氣恍惚嗜臥三惡也未潰先黑久陷面青唇黑便溺者四惡也肩項不便四肢沉重五惡也不能下食服藥而嘔食不知味六惡也聲嘶色脫唇鼻青黑面目四肢浮腫七惡也更有氣噎痞塞咳逆身冷自汗無時目眩耳聾恍惚驚悸語言顛倒皆是惡症五善見三則善七惡見四必危五善併至則吉而安七惡全見必危而死矣

畜症虛實訣

凡大按乃痛者病深小按便痛者病淺按之處陷不復者無膿按之處卽復者有膿不復者可消若按之都牢強者未有膿也按之半軟者有膿也又手

按上下不熱者無膿若熱甚者有膿凡覺有膿急當破之無膿但氣腫若有血憤之慎之不可針破也用諸拔毒之藥敷散四圍堅中軟者此為有膿審也一邊軟亦可有膿卻堅者此為惡核或有氣也都軟者此為有血血瘤也當審堅軟虛實為要若堅疽積久後若更變熱偏有軟處當軟處切不可針破也軟疽者溫煖裹衣置之耳若針灸刺破不可療也

雜忌須知

凡病時忌怒忌疑慮忌身體不潔人來看忌魚羊鵝肉燒酒麪食生冷瓜果醃藏等物瘡口歛百日後不作渴症者方可入房

凡一切癰疽瘡腫毒痛將好未好之時如往有喪之家弔孝并拜望等項其瘡腫即復發切忌

用藥治法

一凡癰疽等項大瘡毒初起一二三日內即服飛騰神駿膏此藥治瘡初起至將潰之際俱可服服後汗出將惡毒盡皆發散腫痛立消其効如神若瘡已

潰爛勿服如無神驗膏初起卽服槐花酒或千金消毒散二三劑患處卽用灸法灸之瘡初出至七日內皆可灸七日外不可灸瘡未及灸初起卽以慈蜜膏或金蟾膏貼之卽消至四五日腫痛未消用芙蓉膏敷之立効敷之至六七日作膿將潰未潰之時不得頂破用替針九頻點瘡頭自然皮破出膿瘡自初起至此膿將出未出之際卽服真人活命飲一二劑瀉下膿血其瘡潰爛用猪蹄湯洗淨以三神膏搽之內服千金內托散以托瘡毒出外間服蠟礬丸以護膈膜二藥相兼服之勿間不計其數再看潰爛流膿不止此氣血衰憊脾胃虧損肌肉不生瘡不斂口用猪蹄湯洗淨將生肌散搽上外貼神異膏內服十全大補湯兼進八仙糕久服自愈好後再服加減八味丸可以絕根庶幾再生若平口無瘡時肯預服之尤爲防患於未然也以上治法俱要依次第而行未有不奏効者皆予百發百中之良法也

○一論飛龍奪命丹乃外科惡毒第一方也

方見後諸瘡

○一論癰疽發背癰瘰鼠瘻氣瘻等症此專門之方其効捷如奔馬

飛騰神驗膏

麻黃二斤去節取

杏仁四兩熱水泡去皮尖用砂鉢搗爛又入水同搗

防風去芦淨四兩

地骨皮去骨淨四兩

甘草四兩

木鼈子去壳十四箇

頭髮一大把溫水洗淨

燈草一大把 黑鉛一塊

右熬膏法不用柴燒用白炭五十斤用大鐵鍋一口將前藥入鍋內注清水

二三桶煮至五六分看藥水濃時藥渣濾起藥水另放缸注又將前渣入鍋

內再入水一二桶又熬至五六分藥汁又注前汁內如前法三次去渣將前

二次汁并作一鍋熬至乾去黑鉛頭髮燈草三味不用其味香甜磁罐收貯

五年不壞遇病每服三錢好熟酒調膏臨臥服厚被蓋出大汗為度徐徐去

被不可被風次早用猪蹄煨食汗後恐致虛人以此補之以復元氣好酒

調服隨人酒量以醉為度汗出立愈此治瘡毒初起至潰破時前後皆可服

○一論凡人初覺患癰疽發背已結未結赤熱腫痛即用灸法先以濕紙覆其

上立視候其紙先乾處即是結疽頭出取大蒜去皮橫初三文錢厚安在頭

上用大艾炷於蒜上灸之三壯換一蒜片復灸痛者灸至不痛不痛灸至痛方住最要早覺早灸爲上方發一二日者十灸十愈三四日者六七愈五六日者三四愈過七日則不可灸矣若有十數頭一處生者用大蒜搗成膏作餅子鋪瘡頭上聚艾燒之亦可若背上初發亦腫內有一粒黃如粟米者即用獨蒜切片如前法灸之次日去瘀膿自潰矣

○一論凡癰疽發背一切無名腫毒初起

葱蜜膏

生葱生蜜猪膽一箇領石鉢內共搗成餅貼患處日換三四次即

金蟾膏

治症同前

生白礬末五錢加麝香一分取活蝦蟇一箇去腸肚同搗爛如泥四圍留頂出氣不過一夜即愈

○一論發背及一切疔腫毒不問已成未成但熾痛者

槐花酒

槐花四五兩炒黃乘熱入酒二鍾煎十餘沸去渣熱服其神效

○一論癰疽發背無名腫毒疼痛醫所不識初起壯盛人宜

黑白牽牛各一兩王集九卷 碎好酒一碗煎八分露一宿次日溫服大便下膿血即愈
○一論初起一切惡瘡毒腫疼痛丹瘤瘰癧疔腫魚口五發癰疽初覺一二日
便如傷寒頭痛煩渴拘急惡寒肢體疼痛四肢沉重恍惚悶亂坐臥不寧皮
膚壯熱大便閉結小便赤澀等症並治妊娠勿服

千金消毒散

連翹二錢 黃芩一錢 赤芍一錢 當歸尾一錢 金銀花一錢五分 皂角刺一錢

天花粉一錢 牡蠣一錢 麻黃一錢 防風一錢 大黃一錢 芒硝一錢

右剉一劑酒水各半煎服

○一論腸癰便毒疔腫癰疽初起即消已腫即潰血從大便中出瘡潰後勿服

加減真人活命飲 又名千金內消散

當歸尾酒洗一錢五分 赤芍一錢 白芷一錢 木鼈子去壳一錢 穿山甲三大片蛤粉炒

金銀花三錢 皂角刺一錢 白殭蚕一錢 瓜蒌仁去壳一錢 天花粉一錢

乳香一錢 沒藥五分 大黃三錢 甘草節五分

右剉一劑水酒煎服

○一論癰疽發背腫痛如錐刺不可忍者登時痛止

芙蓉膏

芙蓉葉

黃荆子

各等分爲末

右二味入石臼內搗極爛用雞子清調敷患處留頂如烟起此方用在未潰之先或將潰之際

○一治癰疽發背已潰爛者

三神膏

草麻子仁一合

陳醋一碗

鹽一撮

右二味置鍋中用槐條攪成膏先將猪蹄湯洗淨或米泔水洗淨用雞翎蘸

續掃上其皮卽破其肉卽生不可忍者此藥能衛護內膜驅解諸毒自然消

○一論諸瘡惡毒發背癰疽痛

不可忍者此藥能衛護內膜驅解諸毒自然消

加味蠟鑒丸

黃蠟二兩 枯

白礬一兩

乳香一錢

沒藥一錢

雄黃二錢

右爲細末用蠟鎔化爲丸

砂爲衣如梧子大每服五十九視瘡上下送下

○一論癰疽瘡癤皆由氣血凝滯風毒壅結此藥發散外邪流行氣血排膿止

痛生肌長肉之劑當用於五六日間已潰未潰而作痛者宜服之

加味千金內托散

黃芪鹽水炒人參酒洗當歸酒洗川芎白芍酒炒白芷防風

川厚朴姜炒桔梗官桂瓜蒌仁去壳金銀花甘草節

右剉每服一兩水煎入好酒半盞去渣溫服日進二三服之後瘡口有黑血出者及有汗出此藥之功也不問症候猛惡未成者自散已成者即潰矣。

痛甚加乳香沒藥倍當歸芍藥

○一論癰疽潰後須當大補氣血和脾胃托毒外出實為切要凡膿血出多陰陽兩虛此藥有回生起死之功但不分經絡不載時令醫者當觸類而長之可也或見腫平痛寬遂以為安漫不知省無補接調養之功愈後虛症復見因而轉為他病而危劇者多矣

收功萬全湯

黃芪蜜水炒人參一錢白朮去苦炒白茯苓去皮

一錢

當歸身一錢五分

川芎七分

白芍酒炒七分 懷熟地黃一錢

官桂三分

白芷三分

陳皮五分

甘草三分

防風五分

右剉一劑生薑一片水煎溫服○如作渴加麥門冬五味子○如煩燥加生地黃麥門冬○如有痰加姜製半夏○如泄瀉加厚朴姜炒○如小便不利加澤瀉○如怔忡不寐加遠志酸棗仁炒○如胸膈不寬加厚朴姜炒○山查
右方治癰疽發背諸瘡毒潰膿後毒氣已盡氣血虛弱不長肌肉不合口膿清欲作餘症宜之

○一論患癰疽發背出膿後脾胃虧損不思飲食或嘔吐泄瀉四肢沉困無勸
八仙糕

人參

去芦四兩

白茯苓

去皮四兩

乾山藥

四兩

芡實

去壳四兩

蓮肉去心四兩

不油白朮

去芦米泔浸過一宿切片微炒四兩

白糖霜

一片

白粳米

二升

水淘淨磨極

右將藥末米粉糖霜和一處搓揉極勻篩放籠內竹刀劃成小片蒸熟入鍋再焙乾任意食之

瘡止痛生肌散

官粉一錢

火煨黃色

黃栢一錢

黃連

乳香

沒藥

孩兒茶各五分

右爲末搽瘡上并治下疳黃水熱泡等瘡

○一論癰疽發背潰爛便要此湯盪洗

豬蹄湯

當歸

赤芍

白芷

羌活

露蜂房

生甘草

錢

一方加黃芩

右細剉看瘡大小用藥如瘡大加料用之先將豬蹄前蹄兩隻一斤只用白水三升煮軟將汁分爲兩次撥去上面油花并下面渣肉每次用藥一兩投於汁中再用文武火煎十數沸去渣以故紙蘸藥湯溫溫徐徐薄搽瘡上死肉惡血隨洗而下淨洗訖以布帛拭乾貼膏藥仍避風忌人口氣吹之有胡臭人并月經見行婦人及貓犬並不許入病人房內洗瘡切勿以手觸着

○一論一切惡瘡癰疽發背等症此藥能追毒去死肉有膿無頭用此點頭上自然皮破出膿

替針丸

人言

爲未入鍋內上蓋明礬燒不響爲度一錢

硃砂五分

巴豆十粒

乳香三分

沒藥三分

白雄丁香七粒

右爲細末麪糊爲丸如豆大用時以溫水磨化頻點瘡頭上神効

替斜散

用木鼈子川烏二味磨水以雞翎蘸掃瘡上留口大一處出膿如

藥水乾再用刷上不一時即穿

口一論治癰疽發背發項發腦等大毒不拘已潰未潰俱用此敷貼如腫毒未

潰通敷自消如已潰將此敷周圍腫掀之處其破口處以神異膏貼之每日

換兩三次不許見風神効

一合消毒散

文蛤

搥碎炒黑色爲末三兩六錢

輕粉

研三錢

黃柏

去皮蜜炙爲末

寒水石

煨爲末一兩

右末合爲一處用新凉水一半蜂蜜一半調勻不稀不稠如瘡毒尚未開將

腫處遍敷之用綿紙覆于上但乾卽以水掃之朝夕更換二次如夏月或午

時再換一次亦可若已破將此藥敷于周圍掀腫處正有膿破口處用神異

膏滿貼之不必留口亦一日三換

○一論癰疽發背潰爛又不生肌肉用此立効但此方用之不可太早

石口收功散 血竭二錢 乳香 沒藥 輕粉 龍骨各一錢五分

赤石脂二錢 朱砂 海螵蛸各五分 右其為細末散在瘡口上即生肌肉

○一論癰疽發背諸瘡藥拘已成已潰未潰者皆可用之瘡毒甚者每日換兩三次中毒換一次其藥力方能勝毒諸瘡潰膿後不長肌肉不合口者神効

神異膏

當歸尾五錢 川芎五錢 赤芍二錢 生地黄四錢 防風五錢

羌活五錢 白芷五錢 玄參五錢 黃芪五錢 官桂三錢

桃仁四十九个 杏仁四十九个 木鼈子十四个 何首烏三錢 牛旁子五錢

穿山甲四錢 露蜂房三錢 蛇退二錢 大黃二錢 黃柏二錢

亂髮男者一團如雞子大 槐柳支四十九節每長一寸

右用芝麻油二斤四兩將藥入鍋內浸春五夏三秋七冬十日以藥柴文武

火煎油黑色以穿山甲浮起黑為度絹濾去渣再熬油滴成珠陸續下黃

丹十四兩柳條攪不佳手成膏軟硬得所再下乳香沒藥各三錢血此三錢

降真香末三錢次冷定下射香末二錢水浸二三日去火性攤用

○一論癰疽瘡瘍後及將痊口乾渴甚舌或生黃及未患先渴此腎水枯渴不能上潤以致心火上炎水火不能既濟故心煩燥作渴小便頻數或白濁陽痿飲食不多肌膚漸削或腿腫脚先瘦服此以生腎水降心火諸症頓止及治口舌生瘡不絕

加減八味丸 懷生地黃 八兩好酒拌砂鍋內蒸半日搗膏

山藥 一兩 桂心 去皮五錢 石棗 淨肉四兩酒蒸搗葛 澤瀉 切片蒸焙乾

白茯苓 去皮各五錢 遼五味子 二兩五錢 牡丹皮 五錢

右為末入二膏加煉蜜少許丸如梧子大每服六七十丸空心鹽湯送下

○一凡人久服加減八味丸必肥健而多子晚年服此不生癰疽諸毒

○一患癰疽之人雖云有熱皆因虛而得之愈後發渴及先渴而後癰疽非八

味丸不能治

○一人病癰疽多有俞後發渴而不救者治之惟八味丸最効疽安而渴者服此則渴止疽安而未渴者預服此丸則永不生渴氣血壯盛或未疽而先發渴者服此不惟渴止疽亦不作

○一人平日口乾作渴因飲酒食炙博補劑房勞凡若此類過多致令腎水枯渴不能上制心火故有此症後必有疽發也宜先服八味丸以絕其源及癰疽後服此尤有益也

○一論癰疽發背諸瘡出膿潰爛日久不愈飲食少思身體倦忘口舌乾燥或寒熱往來驚悸少睡以補中益氣湯去柴胡加蒼朮麥門神曲五味黃柏少睡加炒酸棗仁瘡肉生遲加白薇一錢肉桂五分如膿多或清倍加參朮橘○一加味十全大補湯治癰疽潰後補氣血進飲食實爲切要凡膿血出多陰陽兩虛此藥有回生起死之功但不分經絡不載時令觸類而長之可也或見腫平痛寬遂以爲安漫不知省無補接調養之功愈後虛症復見因而轉爲他病而危劇者多矣